

Grad Novi Pazar
Skupština grada
Odbornička grupa SDA Sandžaka
Novi Pazar
19. decembar 2021. godine

ИЗДАЦИЈА ГРАДСКА УПРАВА ЗА ИЗБОРНИ
И ПОСРПНИ ПОСРПНИ ПОСРПНИ ПОСРПНИ

Прилог	20. 12. 2021			
Овај	Број	Лист	Датум	Свој
5		02	117/21	

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PRIHVATANJU PETICIJE GRAĐANA NOVOG PAZARA ZA REALIZACIJU PROJEKTA „STOMATOLOŠKA ORDINACIJA ZA OSOBE SA INVALIDITETOM“**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 20. decembra 2021. godine.

Predsjednik odborničke grupe

Ahmedin Škrijelj

Škrijelj

PRIJEDLOG

Na osnovu člana 20. stav 1, tačka 4) i 5) u vezi sa članom 28. stav 1, člana 32. stav 1. tačka 20) i člana 46. stav 1, tačka 2) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1, tačka 12) i 19), člana 66. stav 1, tačka 2) i člana 147. Statuta grada Novog Pazara, („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 20. decembra 2021. godine, donosi

O D L U K U

o prihvatanju peticije građana Novog Pazara za realizaciju projekta „Stomatološka ordinacija za osobe sa invaliditetom“

Član 1.

Skupština grada Novog Pazara prihvata peticiju potpisanu od strane 4700 građana Novog Pazara za realizaciju projekta “Stomatološka ordinacija za osobe sa invaliditetom”, koji je dostavljen uz peticiju građana i sastavio je dio ove odluke.

Član 2.

Skupština grada Novog Pazara obavezuje Gradonačelnika i Gradsko vijeće da realizuju projekat “Stomatološka ordinacija za osobe sa invaliditetom”.

Član 3.

Gradonačelnik i Gradsko vijeće grada Novog Pazara preduzeće sve potrebne radnje i osigurati finansijske, tehničke, prostorne, kadrovske i druge potrebe uslove, radi obezbjeđivanja adekvatnog stomatološkog zbrinjavanja lica sa invaliditetom na teritoriji grada Novog Pazara.

Finansijska sredstva potrebna za izvršenje ove odluke obezbijediće se iz budžeta Grada Novog Pazara.

Član 4.

Zadužuje se Gradsko vijeće da Skupštini grada podnese izvještaj o sprovedenim aktivnostima, utrošenim sredstvima i obezbijeđenim kadrovskim, prostornim, tehničkim i drugim uslovima.

Član 5.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, _____. _____. 2021. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u:

- članu 20. stav 1, tačka 4) i 5) u vezi sa članom 28. stav 1, Zakona o lokalnoj samoupravi;
- članu 32. stav 1. tačka 20) Zakona o lokalnoj samoupravi;
- članu 46. stav 1, tačka 2) Zakona o lokalnoj samoupravi;
- članu 15. stav 1, tačka 12) i 19) Statuta grada Novog Pazara;
- člana 66. Statuta grada Novog Pazara;
- članu 147. Statuta grada Novog Pazara;
- članu 137. Poslovnika Skupštine grada Novog Pazara.

Razlozi za donošenje odluke:

Stomatološke intervencije kod lica sa posebnim potrebama zahtjevaju posebne kadrovske, prostorne i tehničke uslove, te prethodno sprovođenje raznih analiza oko zdravstvenog stanja takvih pacijenata.

U zdravstvenim ustanovama u Gradu Novom Pazaru, trenutno, kao ni u okolnim opštinama i gradovima nije moguće obaviti stomatološke intervencije na licima sa posebnim potrebama, pa se takva lica upućuju u Beograd, na kliniku Stomatološkog fakulteta, gdje trenutno jedino postoje adekvatni uslovi za zabrinjavanje takvih pacijenata.

S obzirom na to da se pomenute intervencije obavljaju isključivo u opštoj anesteziji, mora se uzeti u obzir da, u tom slučaju, postoje i dodatni troškovi analiza koje moraju biti urađene, prije nego neko bude podvrgnut operaciji. Tu spadaju analize krvi i skupi testovi na sve zarazne bolesti, ali i troškovi prijevoza i smještaja u Beogradu. Takođe, lice koje mora biti podvrgnuto totalnoj anesteziji ne smije, u trenutku opijanja, imati bilo kakav virus, niti prehladu što, tom trenutku, može biti razlog, za odlaganje intervencije,

bez obzira na trenutno zdravstveno stanje pacijenta i činjenicu da je izložen troškovima dolaska i smještaja u Beogradu.

Odbornički klub SDA Sandžaka je u više navrata predlagao da Skupština grada Novog Pazara donese odluku kojom bi obavezala Grad Novi Pazar da obezbijedi stomatološko zbrinjavanje lica sa invaliditetom na teritoriji Grada Novog Pazara.

Prijedlozi odbornika da se ovo pitanje riješi odbijeni su bez obrazloženja.

Nakon odbijanja skupštinske većine da postupi po prijedlogu odbornika SDA Sandžaka, odbornički klub SDA Sandžaka je izradio projekat "Stomatološka ordinacija za osobe sa invaliditetom" i organizovao potpisivanje peticije, krajem juna i početkom jula mjeseca, i pozvao građane Novog Pazara da svojim potpisima podrže realizaciju ovog važnog projekta. Peticiju je potpisalo 4700 građana Novog Pazara.

Donošenjem ove odluke Grad Novi Pazar pokazuje brigu i pruža institucionalnu podršku ovoj najosjetljivijoj kategoriji građana Novog Pazara.

Društvena odgovornost nalaže da se cjelokupna zajednica mobiliše oko rješavanja ovog problema a institucije lokalne vlasti na ovaj način dokazuju svoju brigu i humanist što ih jedino legitimise kao sposobne da vode računa o potrebama svojih građana zbog koji postoje i zbog kojih su i osnovane.

Činjenica da je 4700 građana potpisalo peticiju da se projekat "Stomatološka ordinacija za osobe sa invaliditetom" realizuje, dodatno obavezuje lokalnu vlast u Novom Pazaru da bez odlaganja pristupi implementaciji ovog projekta.

Objašnjenje pojedinih rješenja propisanih ovom odlukom:

Član 1: Ovim članom Skupština grada Novog Pazara prihvata peticiju potpisanu od strane 4700 građana Novog Pazara za realizaciju projekta "Stomatološka ordinacija za osobe sa invaliditetom".

Član 2: Ovim članom Skupština grada Novog Pazara obavezuje Gradonačelnika i Gradsko vijeće da realizuju projekat "Stomatološka ordinacija za osobe sa invaliditetom".

Član 3: Ovim članom obavezuju se Gradonačelnik i Gradsko vijeće grada Novog Pazara da preduzemu sve potrebne radnje i osiguraju finansijske, tehničke, prostorne, kadrovske i druge potrebe uslove, radi obezbjeđivanja adekvatnog stomatološkog zbrinjavanja lica sa invaliditetom na teritoriji grada Novog Pazara, kao i da će finansijska sredstva potrebna za izvršenje odluke obezbijediti u budžetu Grada Novog Pazara.

Član 4: Ovim članom Gradsko vijeće je zaduženo da Skupštini grada podnese izvještaj o sprovedenim aktivnostima, utrošenim sredstvima i obezbijeđenim kadrovskim, prostornim, tehničkim i drugim uslovima.

Članom 5: Propisana je obaveza objavljivanja u ove odluke u „Službenom listu grada Novog Pazara“

Finansijska sredstva za sprovođenje ove odluke obezbijediće se u budžetu Grada Novog Pazara.